



內功過格引

功過格甚精微男女貧富俱可行之且修事修
意直接上根受此傳者每日自計功過記
上一功記十功記十百功記至一過人
未自過者將功補過算其除者為定明聖
告天主滿善願而回回之勤修不已積至百
聖賢已哉神明欽敬無疆不強有服必得
聖文正統書

附功過格引

功過格甚精微。男女貧富俱可行之。且修事修
意。直接上根。受此格者。每日自計功過。記曆日
上。一功記〔一〕。十功記〔十〕。百功記〔米〕。一過又十過
米。百過✕。將功補過。算所餘者爲定。朔望焚香
告天。至滿善願而回向之。勤修不已。積至百〔米〕。
聖賢已成。神明欽敬。無福不臻。有願必得。前輩
范文正。蘇睂山。張魏公。俱受此格。敬信奉行。余

尊人得此于會稽陶家藏室夜光寶而行之嘗
夢此格化爲金字遂生宏又夢此格化爲銀字
生弟宋惟賤兄弟深懼不類朝夕虔奉特用公
之同志云鉛山費宏記

袁了凡云余遇雲谷禪師言命由我造自求多
福因受功過格一冊使懺罪行善忍辱治心且
云依此修者成真幾百人富貴幾千家矣大堂
地獄照此秤量毫釐不爽余信受奉教應若桴

鼓蓋心誠而願堅也。此格主張造化轉禍爲福。若神觀者宜共寶之。因刊行并註一二云。

一日中有十餘功可修。積至半月。純心不倦。則于本等功外。另加記十功。貴純善也。須見精進爲妙。中間有一二日一二事不合格。則半月不得另記功。○一日十功。半月又得增記。則一月可三百二十功。又有一事而爲一功十功者。是一年可五六千功也。積之甚易。然須嚴自刻責。

微過必錄。不得詳功。恕過也。○所積功皆日用
常行。不用錢財。故貧人婦人。俱可行之。○勸親
善。以一大事爲十功。勸外人。只當一功者。重親
善也。且化外人易。化至親難。○凡大悖惡逆。偷
盜。敗倫。及婦人橫淫。澈潑。虐殺異生。妬忌絕嗣。
俱罪重惡極。不在此限。

孝順格

以化親于道爲第一。非生母能孝功德尤。

倍。

一日間事父母公姑。服勞承歡。親常喜悅。爲一功。
〔一〕贊成親善。解怒舒憂。各一事爲一功。
〔二〕勞而怨。驕而惰。致親怒。爲一過。又

孝順十五日。精進不倦。爲十功。
〔十〕勸親改過遷善。一大事。十功。
〔十〕爲利欺親。忤逆爭競。教善不從。十過。
米化親行仁。成德百功。
〔米〕親倫理有睽。勸化之至和樂。則一一事爲百功。
〔米〕阻親善。唆

親惡百過。米久淹親柩。百過。米

和睦格

以化婦女友愛。行善爲第一。婦女能自和好。行善功德尤倍。

一日間兄弟夫妻。妯娌姑姪相愛。任勞推逸。一功。贊成善事。一事一功。不和悅爲一過。

十功同孝順之例。爭競譏謗。順妻子。廢孝弟。一事爲十過。

百功亦同孝順例。阻善贊惡。終身不睦。丈夫私
寵棄妻。妻凌制夫。俱百過。

慈教格

自幼教使交游善人爲第一。非所生者能
之功尤倍。

每日訓子孫甥侄。仁慈一體。不恕不縱。一功。
有大事教道見從。則一事爲一功。縱惡各占
已。子俱一過。

慈教十五日不倦。見子孫長進十功。求得賢師。及化以善十功。酷虐教打罵人。占便宜。或贊成其惡。爲十過。

化至成德各一人。爲百功。酷虐非已生。縱子孫成惡習慣。百過。

寬下格

正身以教爲第一。婦能容愛妾功尤倍。

一日間寬婢僕和侍妾體悉艱苦。一功。可怒。

不怒。又善教之一功。咒罵冤打。饑寒不恤。一過。

寬教十五日不倦。十功。同室養僕。一體訓化。見從則一事十功。酷刑虐使。縱不禮于尊長。占婢僕。怨尊長。十過。

化至忠信慈仁。可仗以救濟。各一人百功。妬虐侍妾。錮奴婢不嫁娶。殘其肢體。百過。姦淫女。婢百過。

勸化格

不言之化及求賢爲第一化豪傑權貴功
尤倍

一日皆隱惡揚善常說果報求勸化一功
勸人善見從每事一功
揚過惡訐陰私好譚淫
賭佳趣一過

十五日不勸機權愈妙十功
得一善人交修
共化十功
善書易化人者薦之十家共習十

功。贊惡。唆訟。誣善人。演淫戲。變是非。俱十過。

化一人至仁。孝化人倫理。親戚間和好。俱百功。
得十善人。同心廣化。刊勸極妙。善書俱百功。
唆人親戚爭訟。刻淫書。誘蕩子。俱百過。

救濟格

以救未然。及仁術救蟲。爲第一善。醫善。泗
富商遠遊。皆可救人。

一日遇物輒救。求借不吝。醫藥急赴。一功。濟
饑寒之絕。則一事一功。能濟貧苦不濟。殺蟲
虐畜。婦人私施。僧道一過。

十五日汲汲救放。約大命一走獸。及大禽魚。如
無可放。多放中小命。折之中命百小魚鳥。小命
千蟲鰕螺屬。全此爲十功。施賑當厄。扶持危
病。俱十功。教漁獵。倡殺生。疑病妄藥。十過。
救餓。或拯溺。縊服毒。勸養小孩。設法收救。棄兒

倡修緊要橋梁險道俱百功。溺殺子女百過。

勸化十家可補過。私烹牛犬偷殺畜物百

過。

交財格

以絕私利便宜根爲第一。貧者不貪尤爲功。

一日交關買賣俱從寬厚一功。放債出當佃田濟人危急不論利息一事一功。剋剝利已

乘急多取俱一過。

十五日利物不倦十功。

赦貧債十功。

率鄉

里平量衡斗斛爲十功。

急迫窮債虧心負財。

兩樣秤斗造假銀俱各十過。

赦債免人典妻賣子及關性命者拾重寶還但

百功。僥滅重債謀人破產賭蕩迫人流離失

所俱百過。

奢儉格

以儉已能施爲第一。富貴不淫及婦女不
爭華飾功尤倍。

一日間飲食衣服甘澹惜福以行施濟貧者安
心作業不怨不貪一功。暴賤天物享用過豐
毀圖非分俱一過。

如是十五日。絕烹殺。忍嗜欲。男業女工不虛度。
衣食十功。越禮犯分。烹殺多儀。冠婚喪祭過
侈。各十過。感化十家儉朴好施。化十人勿賭蕩。

奢淫俱百功。破產蕩業恃財淫。人妻女戲妓。
俊僕在家致啓邪淫百過。

性行格

以受汗辱變氣質爲第一。當時時進步改
過。

一日間敬老慈幼。親愛同輩。忍辱受勞。貴賤平
等。報恩解冤。一功。傲慢笑侮。一過。婦人好
佚遊。多言穢罵。一過。

十五口不倦十功。變化一件氣質大事難忍。
而忍十功。侵弱欺愚十過。用機陰圖婦人。
咒咀竅魔十過。

火氣不生。在在歡喜。在在感化。百功。常習鬪。
訟侵侮。百過。婦人魔制丈夫。魔人夫妻不和。
或病或死。俱百過。

敬聖格

以常對越效法爲第一

一日間敬事神明祖先。或祈親福。求善緣。齋戒
至誠一功。怠慢祖先。神靈經典。泄唾不忌。三
光婦人。好入廟院。結菜會。俱一過。

齋誠半月。無雜誘。無怠志。十功。時存想賢聖
仙佛貌相。莊嚴在心。或存日月輪相。光明。至十
五日。俱十功。戲侮非誹神聖。十過。

至夢寐靈通。時見光輪。實和。流轉肺腑。若遊天
宮。聞神語。爲百功。打罵神明。作穢梵寺。無識

毀經倡說叛聖百過

存心格

以忘善無我爲第一

一日言行俱善存心施濟天下化道衆庶一功
淫念惡念貪念妬疾念媚世念展轉不除一
過

十五日不倦道心純熟十功 善與人同改過
日新半月十功 惡念邪念展轉數日形之動

作十過。無私念能所。寡思息夢。生意愈惘。一
月爲百功。常常如此。惻怛自然。存虛應圓。爲
無量功。

頌曰。不出門。救萬命。不費財。行萬功。不假
法度。萬人。

此靈聖真君偈也。格其所傳者也。蟲蟻隨
在扶持。教成子孫濟世。是謂不出門。救萬
命。孝友方便。立地可做。忍辱存心。功德無

量。是。謂。不。費。財。行。萬。功。我。自。至。愚。至。賤。人。
皆。極。神。極。聖。贊。揚。善。人。歡。喜。善。事。挑。剔。善。
書。興。起。善。念。卽。樵。夫。牧。豎。亦。自。能。之。是。謂。
不。假。法。度。萬。人。

重訂當官功過格

昔賢有言。新法固嚴。正賢者所當盡力之
時。能寬一分。則民受一分之賜。又云。一命
之士。苟存心於愛物。於人必有所濟。每見
居鄉。欲作一利人濟物之事。不知費幾許
心力。今幸事權在手。豈可空過。且當官功
過。上有官評。下有清議。明有黜陟。陰有禍
福。恭繹碑亭。

聖諭。爾俸爾祿。民膏民脂。下民易虐。

上天難欺。

煌煌天語。使人知惠。廸從逆。吉凶影響不爽。總在當官之一念。一念清慎。則衙蠹奸徒。無從影射。如青天白日之下。魍魎自遁。而寧靜之福。小民受之。作善之慶。官受之一念。昏肆。則衙蠹奸徒。因緣爲奸。如叢之憑神。暗室之作祟。而騷擾之害。小民受之。作不

善之殃官受之可不畏哉。往袁坤儀先生
著有當官功過格。以自警。茲復增損數條。
用行頒示。願與守令各官。每日三省。交相
勗勉。庶幾於今日小民。或有纖補云。

功格

催徵有巧法。勸諭樂輸。不煩敲朴。而錢糧
畢辦。算千功。

審編里役。差遣均平。使闔縣受福。算千功。

清覈地畝錢糧。井井有條。使吏胥保歇。不
得欺隱包侵。致累小民。算百功。

遇大災荒。能早勘早申。力請蠲賑。設法救
活多命。算千功。

能爲地方興利除害。悉中窾綮。使得永受
實惠。算三千功。

設法斂解。緩急有序。不苦糧里。不累賣解
員役。算十功。

免冤大辟一人當百功

免冤永戍一人當五十功

免冤滿徒一人當二十功三年徒當十五

功二年徒當十功一年徒當五功

免冤滿杖一人當三功九十以下當二功

強盜拿到印官耐煩隔別設法嚴訊務得

真情真贓不許捕役私拷不委衙官混

供不專靠拶夾招承算十功

獲盜卽親審定案不致扳累無辜人犯寃

斃囚圖算百功

嚴戢捕役牢囚飛詐良善算十功

鬪毆人命或故或誤爲首爲從俱細細分別親簡定罪不致游移出入算十功

能禁戢勢宦豪強不使播惡算十功

懲治訟師扛證不得刁唆構釁保人身家

算十功

能摘發奸蠹神棍置之於法不使騙詐愚
民算十功

凡聽訟能伸冤理枉一事算一功能誨誘
頑民平其忿心使息爭省訟算十功

責人須明告其罪使之知改凡刑人而當
使受者愧服見者懲誠算十功

詞狀少准婦人非關緊要卽與抹去算二
功

人犯一到卽審不令守候算一功

耐煩受訴使兩造各盡其情算二功

有力稍力無力聽其自認不以贖鍰諛上

宮算一功

老穉弗打醉病弗打婦女非犯姦弗打尊

長告卑幼百姓告衙役雖失實弗打已

授已夾要枷弗打卽打其不得下打而

禁重杖打禁從下腿灣打禁一塊打右

腿棒瘡者打左腿一人算功。

聽審不徇囑託一事算一功。

不偏護原告算一功。

不喜奉承迎合之言算一功。

不嗔越訴只平平照常理斷算一功。

一時錯枉片念撥轉不吝改過算十功。

事到面前據理直斷及到別衙門隨他轉。

辯不以成心怒翻案算一功。

供招出入。自爲簡點。不使吏胥上下其手。
算一功。

親講鄉約。懲勸有方。使各改惡從善。各因
人受益之大小而定功。

考較公明。不阻抑孤寒。一名算一功。

開報生員優劣。採訪的確。使人知勸懲。士
風不變。算千功。

凡事惜福。躬行節儉。使風俗還淳。算百功。

賑濟得實。一人算一功。

荒年煮粥。本縣來食者一人算一功。他處來食者一人算二功。

瘟疫瘧痢盛行。開局醫療。一人算二功。垂死而得生者算十功。

葬死人及枯骨。各算三功。

無力犯人。當時的決。納贖徒犯。亦准召保。嚴禁佐貳。不得擅監。囹圄無淹禁。一名

算五功。

重犯無家屬者。照例申請囚米。算一功。例所不合。自爲設處。算十功。

禁戢獄卒。牢頭。不肆凌虐。使囚得安寧。一人算二功。

力行保甲。親編親查。不擾民而盜自弭。邪教奸宄自息。算二千功。

催徵無法任吏書欺隱保歇包侵不能清。
楚亂拏亂打追呼愈急完欠愈滯使一
縣不寧算千過。

地方利病明知應興應釐不肯出身擔任。
推卸後人或苟圖一時之便罔計百世
之功算千過。

遇災不申遇賑而吝皆算百過。

擅自加派增糧使小民永受賠累算千過。

凡問罪成招。本有生路。不與開一線。只求
上司不駁。算十過。

泥成案。徇體面。不與開招。各隨事之大小。
算過。

上司怒人。而明知其枉。不敢辯救。算一過。
受人囑托。算一過。枉法者。算十過。

逢人勢要。算十過。冤抑平民。算十過。

獲盜不卽親審。得其真情。真贓致點盜漏。

網扳累者度_也斃算百過

縱奸捕唆盜妄扳牢囚通同燒詐致良善
愚民鷄犬不寧算百過

人命不卽簡驗傷證定案致招情出入拖
累多人算十過

情罪未核杖死一人算百過

聽信左右指撥害人算百過

姑縱奸徒設局騙詐弄人身名算十過

風土異宜時勢異窾不虛心參酌強不知而爲知見一偏而不見全局使下隱不伸上澤弗究算百過

不畏大人惟憑胥吏將上司行移或分付言語不卽用心祇奉力行算二過

考較不公使孤寒不得上進一名算一過開報生員優劣不確使勸懲無力士習日

波算十

力。可。以。濟。人。而。不。肯。盡。算。五。過。

醉。怒。重。杖。責。人。算。二。過。無。罪。悞。責。算。十。過。

毀。人。揚。已。市。恩。避。怨。算。百。過。

見。人。不。簡。不。與。規。正。算。一。過。共。助。成。其。惡。

算。十。過。

事。不。卽。決。淹。禁。停。滯。使。訟。中。生。訟。破。人。身。

家。算。十。過。

服。毒。投。水。懸。梁。圖。賴。人。命。審。無。威。逼。輒。斷。

葬埋以長輕生之習一人算十過

不禁溺女惡俗算百過

不禁賭博爲非算五過

不禁屠宰耕牛一牛算一過

輕用民力隨衆寡算過

接人不拘貴賤先懷輕慢之心算一過

保約奉行不善輕委衙官反致騷擾算千

過

遇知已而含疑不盡算一過

待人不誠算一過責人不恕算三過

自了門面白占便宜不顧他人職掌不顧
後人難繼算十過

祭祀不盡誠算十過

水旱不早祈禱算五過祈禱而不盡誠惟
以虛文塞責算十過

暴殄天物耗費錢糧習成奢侈陰傷風化

算十過

拘泥舊聞。沉迷積習。見闡明正學者。反加
非笑謗訕。阻人好修之念。自障人道之
門。其過無量。

已上過格三十八條。當官過失。未易枚舉。
卽此可例其餘。有則改之。無則加勉。





